



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Soffrido Pistoriensi Episcopo, ejusque successoribus canonice  
substituendis in perpetuum.

**urn:nbn:de:hbz:466:1-20020**

## 360 Epistolarum Innocentij III.

rem apud eam affectionem & gratiam invenisse. Eapropter, dilecti in Domino filij, vestris iustis postulationibus grato concurrentes assensu, ad exemplar felicis recordationis Alexandri Papæ prædecessoris nostri auctoritate vobis apostolica indulgemus ut in Ecclesiæ vestris, cùm vacaverint, liberum sit vobis quatuor vel tres ad minus de Canonicis vestris instituere, ex quibus unum diocesano Episcopo præsentis ut ab eo curam suscipiat animarum, & vobis de temporalibus, illi vero de spiritualibus debeat respondere. Decernimus ergo ut nulli omnino hominum liceat hanc paginam nostræ concessionis infringere vel ei &c. usque se noverit incursum. Datum Viterbij 111. Non. Septembbris, pontificatus nostri anno duodecimo.

*S O F F R I D O P I S T O R I E N S I  
Episcopo, ejusque successoribus canonice  
substituendis in perpetuum.*

Epif. 101.  
De confirmatione privilegiorum.

**Q**uoniam universalis Ecclesiæ curam Deo, prout ipsi placuit, disponente suscepimus, oportet nos fratres nostros Episcopos ampliori caritate diligere & Ecclesiæ eorum gubernationi commissas protectione sedis apostolica communire, quatinus tam eis quam Ecclesiis que ipsorum regimini sunt commissa sub apostolica tutione manentibus, & Apostolorum principis patrocinium contra pravorum incursus adeptis, & ipsi officij sui prosecutioni valent, propensiis immovere, & commissæ ipsorum pastioni oves dominicæ vita pabulum apud eos, cestib[us] pravorum molestiis, uberioris & quietius possint jugiter invenire. Eapropter, venerabilis in Christo frater Soffrido Pistoriensis Episcope, & tua honestatis & antiquæ devotionis qua Pistoriensis Ecclesia semper in apostolica sedis reverentia & veneratione permaneit consideratione inducti, ad exemplar felicis recordationis Urbani, Paſchalis, Innocentij, Anastasij, Alexandri, & Urbani tertij prædecessorum nostrorum Romanorum Pontificum eandem Ecclesiam sub beati Petri & nostra protectione suscipimus & præsentis scripti patrocinio communimus, statuentes ut quascunque possessiones, quacunque bona eadem Ecclesia in præficiarum justè & canonice possideret, aut in futurum concessione Pontificum, largitate Regum vel Principum, oblatione fidelium, seu aliis iustis modis præstante Domino poterit adipisci, firma tibi tuisque successoribus & illibata permaneant. Sancimus etiam ut diocesis Pistoriensis epil-

copatus, sicut ejus termini prædictorum videlicet prædecessorum nostrorum privilegii distinguntur, sic in jure & conditione Pistoriensis Episcopi sine aliquo molesta vel inquietudine perseverent; per quos ministrum terminos subscriptæ Capella & Ecclesiæ constituta esse noscuntur, Capella videlicet de Capraria, Capella hospitalis de Rosaria, plebs de Massa, Capella de Vincio, Capella de Bucuniano, Capella de Castellonovo, Capella sancti Martini in Monteculli, Capella sanctæ Mariae Magdalena in Colle, Capella de Valazano, Capella de Verruca, super quam præfati prædecessoris nostri Urbani post tertiam & quartam discussionem est prolata sententia, Capella hospitalis de Fanano, Capella Prati Episcopi, Capella de Rotie, Capella de Cerbaria, Capella Montisacuti, Capella de Insula, Capella sancti Salvatoris sita prope Pratum juxta flumen Bisentium, Capella sancti Martini in Coiano, curtem etiam quæ vocatur Pavana infra Pistoriensem comitatum cum castello Sambucæ infra curtis confinia constructo, sanctæ Pistoriensis Ecclesia confirmamus, sicut à venerabilis memoria Comitissæ Matildis beati Petri filia post diu examinatam à compluribus judicibus ac juris peritus actionem per judicium Bernardi S. R. E. Presbyteri Cardinalis & jamdicti Paſchalis Papæ Vicarij in manus dignæ recordationis Ildebrandi prædecessoris tui & fratum ejus restituta esse cognoscitur. Porro decimationes de Montemurlo, de Prato, de sancto Paulo, de Colonita, de Montemagno, de Casale, de Lamporeclio, de Cren, de Spanareclio, quas de laicorum manibus solertia prædicti prædecessoris tui eripuit, nullus unquam ab Ecclesiæ jure & Clericorum usibus alienare præsumat. Idipsum de ceteris curtibus prædisse præcipimus quæ hodie in Ecclesia Pistoriensis possessione persistunt, videlicet de Lizano, de Mammiano, de Caumana, de Batoni, de Satoriana, Brandellio, Piscia, Gropelle, Vinaciano, Tobiano, publica silva mortua, Vizule, Plathanese, Celleri, & de terra sita infra episcopatum Bononiensem, quam tenuerunt homines de Valle Biderla, curte de Spalliolio. Infuper confirmamus vobis plebem sancti Hippolyti in Alpe, plebem sancti Laurentij, plebem in Montemurlo, plebem de Villano, plebem sancti Quirici, plebem in Monte Cuculi, plebem in Satoriana, plebem de Brandellio, plebem de Caumana, plebem sancti Marcelli, plebem de Lizano, plebem

bem de Popillio, plebem de Pitellio, plebem de Furfalo, plebem de Celle, plebem de Calloria, plebem de Vinaziano, plebem de Massa, plebem de Creti, plebem de Lamporecello, plebem de Limite, plebem de Artimino, plebem de Seiano, plebem de Quarata, plebem de Montemagno, plebem de Tobiano, plebem sancti Hippolyti, plebem sancti Pauli, plebem de Colonica, in Prato plebem sancti Stephani. Ad hæc adientes sancimus ut occasione privilegij quod Pratenses à Romana Ecclesia se habere congaudent, nulla injuria vel diminutio aut inobedientia matri sua Pistoriensi Ecclesiae seu cuilibet supradictarum plebium, videlicet sancti Pauli, sancti Hippolyti, sancti Petri de Aiolo, sancti Iuli, & de Colonica, vel alicui in aliquo inferatur, nec Pratensis Ecclesia vel Clerici ipsius loci eodem scripto contra jurisdictionem vel dignitatem aut obedientiam Ecclesiae seu Episcopi Pistoriensis utantur, sed quemadmodum prædecessorum nostrorum Urbani, Paschalis, Innocentij, & Alexandri, atque aliorum, seu etiam bone memorie Petri & Ildebrandi Pistoriensium Episcoporum tempore exitit, ita iamdicta Pratensis Ecclesia absque aliqua diminutione potestatis aut dignitatis Pistoriensis Ecclesiae vel Episcopi, eis in omnibus & per omnia obediens & subiecta permaneat. Prohibemus insuper ne infra episcopatum tuum ullus Ecclesiæ vel oratorium sine assensu tuo vel successorum tuorum de novo construere audeat. Salvis tamen privilegiis Romana Ecclesiae. Liceat quoque tibi & successoribus tuis baptismales Ecclesiæ in eodem dioecesi constituere, si necessitas visa fuerit imminere. Decernimus ergo ut nulli omnino hominum licet præfatam Pistoriensim Ecclesiam temere perturbare, aut ejus possessiones auferre, vel ablatas retinere, minuere, seu quibuslibet vexationibus fatigare; sed omnia integra & illibata serventur tam tuis quam tuorum fratrum & pauperum usibus profutura, salva sedis apostolicæ auctoritate. Si qua igitur in futurum ecclesiasticae singulariæ persona hanc nostra constitutionis paginam sciens contra eam temere venire tentaverit, secundò tertiove commonitioni nisi reatum suum congrua satisfactione corixerit, potestatis honorisque sui dignitate caret, reamque se divino iudicio existere de perpetrata iniquitate cognoscat, & à facatissimo corpore ac sanguine Dei & Domini redemptoris nostri Iesu Christi aliena-

fiat, atque in extremo examine districte ultioni subjaceat. Cunctis autem eidem loco sua jura servantibus &c. usque in finem. Amen. Amen. Amen. Datum Laterani per manum Iohannis sanctæ Mariæ in Coenacardi Diaconi Cardinalis S. R. E. Cancellerij xiv. Kal. Novembri, Indicione xii. incarnationis dominice anno M C C V I X. pontificatus vero Domini Innocentij Papæ II. anno duodecimo.

## LVNDENSI ARCHIEPISCOPO.

**E**x tuarum perpendimus serie litterarum quod cum quedam terra quæ Fialanda dicitur operante patre luminum, à quo omne datum optimum & omne donum perfectum descendit, nuper quorundam nobilium mediante sollicitudine ad fidem conversa sit Christianam, in qua modò puer Iesus proficit sapientia & ætate, Episcopo ejusdem terræ, postquam in propagatione catholica fidei cursum suum ibidem legitimè consummavit, ad cœlestis remunerationis bravium evocato, nullus est ei haecenus substitutus. Nam cum proper novellam plantationem & ejusdem regionis hominum pertinaciam ac loci etiam intemperiem electus ibidem non ad honorem assumptus sed expositus martyrio reputetur, nullus ferè ad illius regimen sedis aspirat nisi qui divini verbi zelo succensus pati exoptat pro Christi nomine cruciatus. Verum cùm vir quidam moribus, ut afferis, & ætate maturus & scientia & virtutibus redimitus, qui propter verbum Dei, quod populo illi aliquando predicavit, ab eis plura jam sustinuit piacula passionum, ad illius Ecclesiæ regimen fit vocatus, ut sic præstaspirans ad illud quod magis consequatur martyrium quam honorem, ipsi, ex eo quod non est de legitimo matrimonio natus, sine licentia nostra munus consecrationis impendere noluisti. Cùm igitur urgens exposcat necessitas & evidens utilitas id requirat, nobis humiliter supplicasti ut cum eo dispensare misericorditer dignarumur. Nos igitur tuis postulationibus inclinati, per apostolica scripta mandamus quatenus si est ita, cum eo vice nostra dispenses, injungens eidem ut, sicut incepit, eandem novellam plantationem informet verbo pariter & exemplo & insistere studeat diligenter ad extirpandum paganatis errorum & terminos Christianæ fidei dilataros, quia licet omnes virtutes ad bravium, sola tamen perseverantia coronatur. Datum Laterani iii. Kal. Novemb. pontificatus nostri anno duodecimo.

Tom. II.

Zz

Epif. 102.  
De conversione  
ne Fialandæ.